

Аудандық коммуналдық мүлiктi иелiктен айыру түрлерiн таңдау бойынша критерийлердi анықтау туралы

Қарағанды облысының Ақтоғай ауданының әкiмдiгiнiң 2016 жылғы 26 шiлдедегi № 33/01 қаулысы. Қарағанды облысының Әдiлет департаментiнде 2016 жылғы 12 тамызда № 3935 болып тiркелдi

Қазақстан Республикасының 2001 жылғы 23 қаңтардағы "Қазақстан Республикасындағы жергiлiктi мемлекеттiк басқару және өзiн-өзi басқару туралы", 2011 жылғы 1 наурыздағы "Мемлекеттiк мүлiк туралы" Заңдарына, Қазақстан Республикасы Үкiметiнiң 2011 жылғы 9 тамыздағы № 920 "Жекешелендiру объектiлерiн сату қағидасын бекiту туралы" қаулысына сәйкес Ақтоғай ауданының әкiмдiгi **ҚАУЛЫ ЕТЕДІ:**

1. Осы қаулының қосымшасына сәйкес қоса берiлiп отырған аудандық коммуналдық мүлiктi (бұдан әрi - Объект) иелiктен айыру түрлерiн таңдау бойынша критерийлер анықталсын.

2. Осы қаулының орындалуын бақылау аудан әкiмiнiң орынбасары Қ. Қошантаевқа жүктелсiн.

3. Осы қаулы оның алғаш ресми жарияланған күнiнен кейiн күнтiзбелiк он күн өткен соң қолданысқа енгiзiледi.

Ақтоғай ауданының әкiмi

С.М. Әбеуова

Ақтоғай ауданы әкiмдiгiнiң
2016 жылғы 26 шiлдедегi
№ 33/01 қаулысына қосымша

Аудандық коммуналдық мүлiктi иелiктен айыру түрлерiн таңдау бойынша критерийлер

№	Критерийлер атауы	Иелiктен айыру түрлерi
1.	Объектiнi одан әрi бақылауда мемлекеттiң мүдделiгiнiң болмауы (шарттар қ о й ы л м а й д ы) . Объектiнi барынша жоғары ықтимал бағамен сату және сауда-саттыққа қатысушылардың кең ауқымын тарту қажеттiлiгi.	сауда-саттықты аукцион нысанында өткiзу
2.	Объектiнi сату шарттарын (кызмет бейiнiн сақтау, кредиторлық берешектi өтеу , жалақы бойынша берешектi өтеу және басқа да шарттар) белгiлеу қажеттiлiгi. Объектiнi барынша жоғары ықтимал бағамен сату қажеттiлiгi.	сауда-саттықты коммерциялық тендер нысанында өткiзу
3.	Сенiм бiлдiрiлген басқарушының,жалдаушының (жалға алушының) кейiннен сатып алу құқығымен сенiмгерлiк басқару, мүлiктiк жалдау (жалға алу) шарты талаптарын орындау.	тiкелей атаулы сатылым
	Объектiнiң қор биржасының талаптарына сәйкестiгi.	

4.	Шетелдік инвесторларды қоса алғанда, сауда-саттыққа қатысушылардың кең ауқымын тарту қажеттілігі.	сауда-саттықты қор биржасында өткізу
5.	Жекешелендіру объектілерін сату алдындағы дайындық пен оларды сату жөнінде консультациялық қызметтерді тарту қажеттілігі. Конкурсты жекешелендіру бағасының басымдығын және (немесе) өзге де шарттарын айқындайтын қаржы кеңесшісінің қатысуымен өткізу қажеттілігі	екі кезеңді рәсімдер арқылы конкурс

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК